

# Matlamat menzahirkan impian rakyat Kedah

ALOR SETAR - Barisan Nasional (BN) Kedah menampilkan manifesto yang mengandungi tujuh kluster utama melibatkan agenda pembangunan yang tersusun, seimbang, realistik dan mampu dilaksanakan kepada rakyat negeri ini bagi persembaan menghadapi Pilihan Raya Umum ke-14 (PRU-14) ini.

Pada masa sama, BN Kedah komited untuk memegang janji serta tanggungjawab dalam merealisasikan manifesto yang bertemakan 'Menerus Kemajuan Menzahir Impian' bagi menzahir impian rakyat di negeri itu.

Melalui manifesto yang dilancarkan pada 20 April lalu, elemen membabitkan golongan belia dan anak muda,

pendidikan dan modal insan serta program kesejahteraan hidup rakyat, agama, dan projek berimpak tinggi diberi perhatian.

Setiausaha Persekutuan Pengguna Kedah, Mohd. Yusrizal Yusoff berkata, pihaknya mengalukan program kebajikan skim bantuan rakyat Kedah bagi membantu golongan yang memerlukan.

Menurutnya, BN Kedah dilihat banyak memberi peluang anak muda dalam usaha membentuk generasi masa hadapan berwibawa.

"BN Kedah juga memperkenalkan Barakah Usahawan yang menawarkan dana pembiayaan sebanyak RM10 juta untuk membantu usahawan mikro," katanya ketika di-



BN Kedah komited untuk mewujudkan lebih banyak peluang kerja buat belia negeri itu. - Gambar hiasan

hubungi di sini semalam.

Sementara itu, Pengerusi Gabungan Pelajar Melayu Semenanjung Sungai Petani, Mardhiah Mohamad Yusoff pula berkata, BN Kedah cukup prihatin terhadap golongan pelajar apa-

bila memperkenalkan insentif pendidikan seperti bantuan awal kemasukan ke universiti dan biasiswa dengan tawaran bayaran balik penuh ditanggung kerajaan negeri bagi anak negeri yang memperoleh keputusan cemerlang.

INFO

Sekilas Manifesto  
BN Kedah



- Kursus praperkahwinan percuma untuk anak muda dan pengendalian pakej perkahwinan melalui program Walimatul Urus Perdana
- Membangunkan projek Bandar Raya Getah dengan kos RM418 juta dengan menawarkan 15,000 peluang pekerjaan
- Peluasan Kulim Hi-Tech Park Fasa 5 bernilai RM408 juta dengan menawarkan 18,000 peluang pekerjaan
- Menaik taraf Lapangan Terbang Sultan Abdul Halim di Alor Setar dengan kos RM300 juta
- Menawarkan biasiswa Diraja kepada 50 orang anak Kedah yang menyambung pengajian agama ke universiti terkemuka di Timur Tengah
- Membangunkan kompleks asnaf yang menyediakan kemudahan dialisis, klinik zakat dan pusat latihan kemahiran dengan kos RM20 juta
- Pemberian kuota 30 peratus lesen, permit dan ruang niaga di premis pihak berkuasa tempatan kepada golongan belia
- Pembukaan empat tapak khas *food truck* di Jitra, Sungai Petani, Kulim dan Alor Setar untuk belia